

近代中國史料叢刊 第三十六輯

沈雲龍主編

半
隱
廬
叢
稿

朱孔彰著

文海出版社印行

長洲朱仲我先生遺著

半隱廬叢稿

行狀附
林思進署檢

民國丙子夏成都華西
協合大學用活字版印

華西協合大學國學叢書之二

牛隱廬叢稿卷一

長洲朱孔彰仲我撰

吳鏡如

吳鏡如江蘇宜興人名協心博聞強記文詞兼美中庚午科舉人光緒初與余相見於杭州撫署同爲幕賓始會面問余曰令兄可是名孔陽余曰卽小子之初名於是共談說文昕夕不倦相得益彰鏡如箸有說文稽古編五十卷稿本皆草書細字卒後其猶子保彝送余處求爲訂定余已爲校定十之七八金陵譯書局停辦余到安慶存古學堂爲教員不能爲鏡如卒業至

今歎恨

師轍難按吳氏說文稽古編先君後仍爲訂定鈔寫成書

楊佩瑗

楊佩瑗名葆彝江蘇陽湖人以保薦爲浙江知縣書畫有名嘗以所得酬資濟寒士解衣推食情誼殷勤余在浙撫梅小巖中丞幕中君爲文案相契甚深後爲富陽令以新墾田千畝報請歸公辨義舉愛民如子去官後卒于紹興民謳思之余有句云江干十里綠疇新想見當年撫字勤千畝良田遺愛在至今調舞富春民

孫仲容

孫仲容浙江瑞安人名詒讓太僕寺卿孫公衣言之子太僕公以詩文名天下詩得黃山谷神髓精孰遷書文格似歐陽有遜學參詩文集十餘卷行于世仲容少傳家學號爲神童十六歲領鄉薦著作等身解經有周禮義疏五十卷詮釋諸子有墨子

閒話三十卷與德清俞曲園先生齊名博通而精覈過之鄉紳
 舉薦監督溫州學堂京師大學初建聘充總教習不應宣統二
 年夏卒年六十有一余輓以聯云六旬名宿爲儒林宗講學著
 書數百卷兩制英才開追悼會焚香告祭五千人

呼五百

韓昌黎寄盧全詩立召賊曹呼五百一作伍伯顧嗣立補注按
 朱子云伍伯見古今注什伍之長也後漢禰衡傳黃祖大會賓
 客衡言不遜順祖大怒令五百將出欲加筆李賢注五百猶今
 之問事也彰按蜀志劉琰傳呼卒五百搥妻今通謂之皂隸

百一詩

梁昭明太子文選詩類特著百一之目說者多端當以愚者千

慮一得解訓爲是詩中皆應休璉自嘲語問我何功德三入承明廬下接所以占此土是謂仁智居疑文氣不貫細繹其意占此土謂歸田之樂仁智居卽智水仁山意魏晉六朝人作詩喜紆曲此類是也

滄桑豔

丹徒丁秀夫作滄桑豔曲表彰陳圓圓傳誦一時書末題絕句云荆棘銅駝淚血紅包胥痛哭出關東漢家若畫凌煙閣要讓蛾眉第一功此詩結句與宋人題王昭君漢家眉斧息邊塵功抵羆貅百萬人好把香閨舊脂粉豔妝顏色上麒麟同意

天地亦生惡類

天地之性最仁故多生善類以化不善亦少生惡類使不善而

閒話三十卷與德清俞曲園先生齊名博通而精覈過之鄉紳
舉薦監督溫州學堂京師大學初建聘充總教習不應宣統二
年夏卒年六十有一余輓以聯云六旬名宿爲儒林宗講學著
書數百卷兩劑英才開追悼會焚香告祭五千人

呼五百

韓昌黎寄盧仝詩立召賊曹呼五百一作伍伯顧嗣立補注按
朱子云伍伯見古今注什伍之長也後漢彌衡傳黃祖大會賓
客衡言不遜順祖大怒令五百將出欲加筆李賢注五百猶今
之問事也彭按蜀志劉琰傳呼卒五百揚妻今通謂之皂隸

百一詩

梁昭明太子文選詩類特著百一之目說者多端當以愚者千

慮一得解訓爲是詩中皆應休鍊自嘲語問我何功德三入承
明廬下接所以占此土是謂仁智居疑文氣不貫細繹其意占
此土謂歸田之樂仁智居卽智水仁山意魏晉六朝人作詩喜
紆曲此類是也

滄桑豔

丹徒丁秀夫作滄桑豔曲表彰陳圓圓傳誦一時書末題絕句
云荆棘銅駝淚血紅包胥痛哭出關東漢家若畫凌煙閣要讓
蛾眉第一功此詩結句與宋人題王昭君漢家眉斧息邊塵功
抵麗貅百萬人好把香閨舊脂粉豔妝顏色上麒麟同意

天地亦生惡類

天地之性最仁故多生善類以化不善亦少生惡類使不善而

知化于善如毒蟲猛獸不能使之不生所以善惡相濟也如鷓
鳥之食母破鏡之食父螳螂之食夫可謂惡極之類天地亦生
之人中之有極不善者天地亦生之當作如是觀可也

王秀峯師改四六

王秀峯師諱俊丙午科舉人貫漢軍善駢文余初謁曾文正上
書敍家世末段師改數句極佳云念先人私淑門牆有雲龍相
逐之志則小子攀依鈴轂非馬牛不及之風蓋天下之父歸之
其子焉往而仁者爲功大矣取數至多用成語似宋人四六先
博士于咸豐元年詣闕獻所著說文通訓時曾文正爲禮部侍
郎帶領引見由此識面曾文正亦精研許書故有私淑之語

曾忠襄公讀詩一快

曾文正公薨江甯建祠堂于龍蟠里余撰絕句百首歌以祀之
末云少小相依極盛時歔歔今日謁公祠遺聞襍寫江南事
以清尊祭以詩同時甘健俟見之謂收法好詩中襍寫江南事
極有關係後以詩稿呈曾忠襄公閱之甚喜謂官江南數年無
好懷讀朱仲我詩爲之一快又云仲我以文正公爲知己文正
公亦當以仲我爲知己也

龔滿田

龔啟孫字滿田浙江東陽人中癸酉科鄉榜博通經訓精研算
學著有滿田襍稿十餘卷與余同應詁經精舍文藝冠羣以學
術性情相契深嘗暢飲西湖酒家時大兒師軾姻友金子昌從
我游每人數十觥不醉賞月吟風極清遊之樂趣壬午爍余病

瘡將不應舉滿田在江蘇提學黃澂蘭先生幕中來勸入闈雖
病無妨先與余言今科說文可用以典試譚叔裕先生亦精究
許書故也榜發余果中式滿田拍案大叫以經題象者像也象
者材也交也者效天下之動者也三句多用浚長說恰合滿田
知余文必售也後滿田爲貴州修文令擢知州事總辦算學局
數年不通問不知今安健否

譚叔裕師贈聯

譚叔裕師籍廣東南海縣諱宗浚戊辰探花壬午科典試江南
爲余座主余入都時師爲外官未會面至乙酉年簡放雲南糧
道過上海始得謁見賜聯云南閣說文通其故訓東堂登第應
推雅材書法集龍藏寺碑句尤典切師卒後有希古堂詩文集

八卷刊行于世余從世兄祖綸處鈔得筆記數種荔邨漫錄中載駱文忠公遺事同治初四川大亂蹂躪已遍先有童謠云若平蜀馬生角似蜀無平定之期迨駱文忠公爲四川總督二年而蜀平始悟馬生角卽駱公也各角音近可知劫數消滅乃是前定余撰中興將帥別傳已刻成此節應補錄特記于此

馮夢華贈聯

馮煦字夢華江蘇金壇人壬午科與余同榜丙戌探花戊子科典試湖南所取多知名士後爲鳳陽府攝道篆升山西河東道適值覽揆之辰余獻聯云帝畀河東僞福星一道民謳淮甸祝生佛萬家又有送行詩云尊酒論文客不孤三年聚首劇懽愉退之他日從中立子美當年咸達夫擾擾風塵增別緒霏霏雨

雪念征途濠洲父老千行淚況我知交已白鬚夢華先贈予聯
云家世六書冲表慎史裁一代固刪遷上句謂余承說文家學
下句切拙著中興將帥別傳可謂強對夢華贈他人聯皆狂草
與余書札楹帖多工楷此最難得者也

輓程序東師聯

程序東師江西宜黃人諱其珏乙丑進士選江蘇嘉定縣壬午
科派內簾爲余房師歷吳江長洲勤于政理好士愛才凡門生
之貧者嘗助以膏火之貧爲之謀館公正廉明民稱慈母光緒
末卒于蘇州余寄輓聯云善政永難忘五袴興歌漢代循良遺
則在師恩慚未報一觴遙奠吳江春水淚痕多

王鼎臣觀察

王定安觀訥字鼎臣湖北東湖人甲子科舉人博覽羣書文詞兼美初選江蘇崑山縣以薦舉升道員山西旱災曾忠襄令辦振務救飢民數百萬由太行山運糧至晉調度神速皆鼎臣觀訥建策也以事罷官謫戍張家口後以保薦赦回授鳳穎六泗道適值慈禧太后萬壽鳳陽張燈懸綵觀察書額云陽雜僧鱗四字咸不解其義蓋出後漢書西南夷傳遠夷人本語願主長壽也

牛隱廬叢稿卷一終

半隱廬叢稿卷二

長洲朱孔彰仲我撰

東洋學士開說文會

東洋人學術專精不可及宣統二年見報章大開說文會于東京羅列說文韻書百餘種有中國鮮傳本者精擇箸書人自許叔重以下六家設木主供祀之共七位第一位後漢許慎第二位南唐徐鉉徐鍇弟四至第七位清曲阜桂馥金壇段玉裁元和朱駿聲安邱王筠餘非注全書不設木主余深歎其選擇之精非深通說文者不能也

甘健侯

甘健侯名元煥江甯人中丙子科鄉榜爲人誠篤文翰擅美一

時所箸有桑泊草堂稿師事汪梅邨先生同修江甯府志天性至孝母卒廬墓四五年廬傍有桑有池因自號桑泊主人光緒末年卒余輓以聯云詩文有家法觀遺篋所藏不媿梅邨高弟誠篤與余交憶同舟共濟難忘桑泊故人

說文水部泊从百俗从白者許書無此字

四兒師錯問字

四兒師錯好字書兼通英文學未成而死余甚惜之嘗問黠人

言飢俗語曰肚裡康

讀上聲

當用何字余曰說文欠部有歎篆當

用此字說文歎飢虛也从欠康聲禾部有稯字康爲或體篆文从米作康今从水實違古義欠康卽欠米之意故訓飢虛是形聲兼會意字

張子蔚精孰杜詩

光緒初余自西泠來遊皖水見故人張子蔚名郁以紈扇一柄

書七絕四首贈之子蔚次韻和予四章情文並茂一時未能記

憶錄其二章末二句云一泓清絕西泠水染上豪華端不見痕謂

余所作楷書時摹靈飛經三章末二句云莫言君最懷知遇我

亦臨風憶相公余詩兼敘曾太傅時事故並荅之子蔚精熟杜

詩幾於全集能背誦有詩鈔四卷余爲點定交其族孫烈仲藏

之

鼠坻牛場

四兒師錯問鼠坻牛場何解余曰揚雄荅劉歆書恐雄爲太玄

經由鼠坻之與牛場也如其用則實五稼飽邦民否則爲坻糞

棄之於道矣鼠坻當是鼠穴邊之地積有鼠糞牛場是牛欄邊

之地積有牛糞如用糞以肥田則五穀熟民人育如不用此糞則棄於道路由與猶通言太玄用則貴不用則賤也

金子昌工漢隸

金子昌名殿祥安徽黟縣人中乙酉科鄉榜更名慶慈精算學

工漢隸澹雅絕倫一日可作五六千字有掉臂游行之樂後爲

湖北遠安松滋令多善政不用幕友日坐堂皇判斷其勤如此

余有母喪君寄輓聯云設幔授經緬宣文範束芻獻雅愴孺子

懷寫作均佳有子邦平字伯屏由日本大學畢業歸國應庭試

欽點翰林院檢討余賀以聯云三千世界新榜特開恩命寵同

家竹垞二百年來詞林佳話歡聲傳徧小桃源黟山有桃源洞

故名小桃源余七十生日伯屏撰聯祝余云江表耆英七旬名

宿中興閒氣一代雄文聯句甚佳媿吾不足以當之

孫渠田先生二門生

孫渠田先生諱鏘鳴浙江瑞安人道光丁未爲會試同考官得二門生一爲李文忠一爲沈文肅文忠與渠田先生甚親洽而沈文肅則與師誼甚疎渠田先生主鍾山書院講席取課卷前十名文肅竟顛到更之渠田先生遂辭館歸渠田先生之兄勤西先生諱衣言時爲江甯藩司意見亦與文肅不合恭親王在軍機調停升太僕寺卿去江南人皆言文忠有禮文肅無情也余誦五代王仁裕賀王溥入相詩一戰文場拔趙旗便調金鼎佐無爲白麻驟降恩何極黃髮初聞喜可知跋勅案前人到少築沙堤上馬歸遲立班始得遙相見親洽爭如未貴時按立班

句仁裕知貢舉

云溥在位每休

禮尤厚余以爲

勤唉厥生

文選韋孟諷諫

唉二字不見他

言兒生下歎啼

文可惡之詞

時靡不練

又韋孟諷諫詩

李善注練委也

不諳練也當訓練習之練說文練凍縮也練習是轉注之義

度詞

度詞爲隱語見于春秋傳范文子暮退于朝武子曰何暮也對曰有秦客度詞于朝大夫莫之能對也吾知三焉又太平廣記引嘉話錄載權德輿言無不聞又善度詞嘗逢李二十六於馬上度詞問答聞者莫知其所說焉或曰度詞何也曰隱語耳論語不曰人焉度哉人焉度哉此之謂也彰按度訓匿匿其詞故爲隱語嘉話錄引論語亦是別解與王充論衡引天壓之天壓之不佞厭棄之厭解皆可備一說度亦佞度孟子若是乎從者之度也亦訓匿說文無度度二字

程抑參徵君

程抑參先生初名朝儀字仲威前清宣統帝卽位避儀字以字
行安徽黟縣人嘗令其高弟胡元吉敬庵以所著文送余閱敬
庵喜讀宋人理學書多述師語余評其文理精密且曰望他年
如何仲弓之薦桓春卿也後敬庵在于蔭霖先生幕中揄揚師
說蔭霖先生果專摺薦于朝詔徵之因老不能詣闕咸僞爲程
徵君余評語在廿年前果符驗也

媼

四兒師錯問夥人言小女兒五官端正曰描頭好是寫此描字
否余曰依說文當用媼字目裏好也揚子方言凡好而輕者謂
之媼關東河濟之間謂之媼

媼

四兒又問世俗媼婦稱姑曰婆婆詩經有婆婆字說文雖無似仍寫婆字爲是余曰然說文女部婆娑佗娑娑大徐曰娑今佗婆非是余按娑奢也奢音古近皮皮波同聲博雅娑老媪也又云娑娑往來兒寫婆婆可寫娑娑亦可般波亦是雙聲

爹

四兒問爹字說文不錄廣韻爹父也屠可切今人何以讀顛音余曰此讀音之誤當近夕聲南史梁始興王憺傳詔徵還朝人謂曰始興王人之爹赴人急如水火何時復來哺乳我爹與火我叶乃古音也

八八

四兒又問正字通夷語稱老者爲八八或巴巴後人因加父佗

爸字是否余曰爸俗字八八巴巴皆一音之轉當作伯伯

程伯堅師與嶺下之戰

清咸豐六年四月髮匪白酋竄黔踞城一月民不能刈麥無食
閩邑約期攻之北鄉首舉義旗賊先一日偵知率三千人到十
都嶺下殺男婦四百餘人有壯士金觀海手擎火槍擊死賊先
鋒一人過於勇猛因割首級陷泥淖賊積矛刺之死衆因敗退
伯堅師以長矛抵禦賊回城明日退出黔境余有詩弔金君云
幾椽茅屋久荒涼憑弔彈丸舊戰場想見當年金壯士苔階猶
臥綠沉槍金爲獵戶火槍百發百中惜其膽過大也伯堅師與
嶺下之戰余亦有詩云郊外風煙近麥秋書生今日誓同仇用
矛馳入齊兵去好義誰如魯冉求伯堅師素有拳勇名朝銜夥

縣廩生年三十卒卽抑參先生之兄亦通說文學先博士門生也

冠帶自相索

古詩十九首中洛中何鬱鬱冠帶自相索二句李善注未明瞭孫述曾問何謂自相索余曰鬱鬱句言洛中之盛也自相索言衣冠之族相應求貧者不與焉此篇是東漢人作

冠蓋蔭四術

左太冲詠史詩冠蓋蔭四術孫述曾問曰管子度地篇百家爲里里十爲術術十爲州此術字義同否余曰同說文術邑中道也是本訓故从行朮聲言道闊可樹五穀也由邑中道而申其義卽爲里十爲術之術心術學術之解皆引申之義引申之義

卽轉注也太沖蜀都賦亦有甲第當衝向術亦是用術字本訓

修志

修志責在總纂以名爲重者必認真編纂書易成以利爲重者必延緩而無成同治間亂平先修安徽通志更易數手未成吳竹莊方伯延黟縣程君伯敷爲總纂昕夕不輟卷稿就而病有子恭甫名壽保己丑舉人爲清理寫本前後未四年稟成書有條不紊博采無遺每篇經伯敷親裁或自撰所以爲善志也湖北通志顛到錯亂總纂更易多人延三十年而未成書費銀廿餘萬稿本雜亂無章雖張文襄公見之無可如何可見修志之難也

雙聲

兒輩問雙聲之義余曰雙聲字三百篇中最多如關雎之參差

汝墳之調飢行露之厭沍旄丘之流離皆雙聲也自有反切雙聲易明就說文中大徐本後人附唐孫愐切韻如一部元字愚袁切元愚雙聲元袁疊韻是也小徐繫傳附宋朱翱反切如不字鋪眉反不鋪雙聲不眉疊韻是也學者可以此類推

半隱廬叢稿卷三

長洲朱孔彰仲我撰

徐騎省詩

余校徐騎省集錄出七律一首備補黔志藝文題為送許郎中

歙州判官兼黔縣詩云嘗聞黔縣似桃源況是優游冠玳筵遺

愛非遙應臥理

原注許嘗宰涇縣

祖風猶在好尋仙

原注許官平黔人得道

朝衣

舊識薰香史祿米初管種秫田大抵宦游須自適莫辭離別二

三年

汪漢卿

元汪漢卿有養浩集二十卷字景辰黔縣人官國子監丞見錢

竹汀先生補元史藝文志

汪文臺

黔汪文臺先生字南士與先博士以著書論字相契遺稿多未刻其集後漢書七種皆范蔚宗所據知劉宋時去東都未遠范據以編纂亦非難事七家佚文實足證今范本之誤邑後進李君爰得榮以流傳始知七家後漢書誠足寶貴七家司馬彪謝承薛瑩華嶠謝沈袁山松劉珍是也蔡邕編有漢事十意惜全佚矣

上頭

吾次兒師轍嘗讀南史孝義傳有筆記一則謂黔人貧苦之家多養他姓幼女爲媳及長然後成禮合昏謂之上頭初疑爲俗語後讀華寶傳云父豪晉義熙末成長安寶年八歲臨別謂寶

曰須我還當爲汝上頭始知爲古語

翻穿外鞋

予友夥程伯勇雜澤睡錄云黃君子壽問今翻穿外鞋始於何時余按說文表字解云古者衣裘以毛爲表蓋依許書表字當作表彰按表下云皮衣也象形與裘同意則知製字之時以毛爲表故有裘字古文求尤象形與艸雨衣之裘亦以艸爲表今裘多以椶爲之俗作裘

黔人語音合於許書

予友宜興吳鏡如讀先博士說文通訓言吾蘇人語音合于說文者取多經通儒發明其義益顯余曰余生長於黔又知黔人語音合於許書者亦不少此汪文臺儉理初二先生所未道及

也如說文風部颶大風也按讀若胃夥人謂大風之聲曰颶拉
颶說文兩部霽小雨也按讀若叢霽小雨財零也讀若斯夥人
謂潑雨曰雨毛叢卽霽字又謂雨毛斯卽霽字說文東部葉小
束也讀若繭夥人取薪一小捆曰一繭柴卽葉字說文東部刺
戾也从束从刀刀者刺之也按與刺字異孫愐切韻刺盧達切
夥人謂以刀割物曰拉卽刺字說文禾部秬禾危穗也玉篇亦
懸物也引申爲穀數之名都了切夥人謂穀二十斤爲一弔卽
秬字說文米部秬陳臭米夥人言米變曰發紅卽秬字說文
瓜瓠結曰起象形曰居剌切夥人謂藤上生瓜多曰結毬音近
說文古文亥與豕同豎屠肆中記帳曰亥幾斤夥人吮曰束卽
軟字說文軟吮也孫愐所角切夥人腹飢曰慊卽軟字說文軟